

Recherche lo a scucha poco testigo den KIA

Diario a trece testigo cardinal pa polis den caso Holloway

ORANJESTAD (AAN): Team investigador di polis ta dispone for di diabierna cu a pasa di un tip di orò cu lo por bay trece desarojo nobo den e caso di e mucha muher Mericano, Natalee cu ta bay haci dos luna cu el a desaparece.

For di e prome dia cu e mucha muher Natalee a desaparece, ta hopi hende a bay hunga inspector di polis y investigador priva y tabata tin hende cu te awe ta haci como si fuera cu ta nan ta e sabionan mas grandi den investigacion.

Tristo ta ora cu cierto hendenan ta bay inventa noticia den forma di trece informacionnan cu no ta corecto y asina perhudica investigacion riba un caso cu ta uno hopi delicado y cu te awe a trece basta problema grandi pa pais Aruba.

Mientras otronan tabata haci buya barata, un team special di DIARIO tabata haci investigacion profundo y sistematico y asina tambe buskeda a worde haci na hopi lugar riba nos isla.

Mescos cu tabata haci buskeda sistematico, mescos tambe tabata compila informacionnan relaciona cu e caso di Natalee y despues di un buskeda intensivo di tres siman largo e team special di DIARIO a logra di haya un testigo cardinal pa cu e caso di Natalee.

Durante fin di siman cu a pasa e team special di DIARIO a logra di haya testimonio di e testigo cardinal aki y asina tambe den combinacion cu un team special di polis a logra pa e

testigo por a duna su declaracion na polis sin cu buya a worde haci cu e accion particular aki.

E persona kende awor ta un di e testigonan principal den e caso di Natalee, a duna di conoce na e team special di DIARIO cu e tabata den vecindario di Marriott Hotel e anochi pa marduga cu Natalee a desaparece.

E persona a sali di un cas pa bay na su mesun cas den e oranan laat di anochi y mientras e tabata cana bay pa su cas, el a pasa riba un caminda di santo unda tabata tin un auto para.

Mientras cu el a pasa banda di e auto el a wak tres hende homber sinta den e auto.


Uno cual tabata di color blanco a pone man banda di su cara pa tapa su cara mientras e otro cu tabata sinta na banda a bira su cara pa e no worde mira y e persona kende tabata sinta riba e stoel patras den auto a core drumi riba e stoel pa e no worde mira mes.

Despues di algun dia ora cu e noticia di Natalee tabata den medionan di comunicacion, e

testigo aki a bin ripara cu ta e tres personanan cu el a wak den e auto tabata Van der Sloot y e dos rumannan Kalpoe.

Debi na miedo e testigo no a bin pa dilanti pa duna autoridadnan policial e informacion clave aki, pero despues di tres siman cu e team di DIARIO a logra di localisa e testigo y a convence su persona cu interes di tur hende te den wega cu e caso aki, e testigo a dicidi di coopera cu DIARIO y tambe cu polis y di tal forma e team special di DIARIO a hiba e testigo pa warda di polis na Bubali unda rechenen a interroga e persona concerni.

Informacionnan relaciona cu e testimonio aki a sali parcialmente for di KIA unda cu algun hende cu tabata sera hunto cu e rumannan Kalpoe lo a tende un ke otro y asina e informacion ey a yega cerca e team special di DIARIO y finalmente e logra di haya e testigo y awor polis tin un



Satist Kalpoe, Joran van der Sloot, y Deepak Kalpoe.

mihor bista riba cierto partinan di e investigacion.

Mester menciona tambe cu no ta e informacion clave aki so ta loke a haya pista riba dje pasobra tin mas informacion hopi importante cu durante dianan venidero lo por bay determina rumbo di e investigacion riba desaparicion di Natalee.

Ora cu otronan ayera tabata y awe ainda ta gaba cu primicia, e team special di DIARIO tabata y ta sigui traha incansablemente riba e caso di Natalee den combinacion cu polis sin haci buya barata cu esaki.

Durante e siman aki no or exclui cu mas hende por worde deteni.



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Reki Cusina
Afl. 15,=